

Beschreibung

Büchtrucken/ Büchsen ic. vñ vil andere künst/ vnd heissen darumb Germani/ das ist brüder/ von irer crew wegen.

Also ist Germania ein selige gegne/ darin gemessigter lufft/ fruchtbare feldung von allerley getreyd überflüssig/ dick wald/ wasserreich mit güten quellenden brunnen allenthalben geziert/ gnügsamkeit allerley wein/ metall/ treyd/ handtirung/ den gesten gütig/ den bitten dē sensstmütig/ vorauff in kriegsachen/ zu roß vñ fūß keiner nation weichende.

Von sondern einzeligenn ländern Germania/ vnd erstlich von Behemer land.



Behem einn Prouinz in Teutschen landen/ mit einem wald eingefast/ hat von auffgang Mehien zum anstoß/ gegen mittag Osterreich vñnd Beyerland/ gegen dem vndergang das Elckew/ vñnd stoß gegen mitternacht/ mit sein grenzen an Schlesien vñnd Meissen. Allenthalb mit Teutschem volcke vmbgebenn: Ein reich habhaftig volck/ ein volland

schmalz vñnd treydtreich.

Ein sehr kalt land/ aber reich mit fischenn/ vñnd thieren/ Vnder andern haben sie ein wild/ das sie auff ir sprach Loni nennen/ ist wie ein wilder ochs/ mit stürmlichem gehörn/ hat vnder dem kinbackenn ein hangenden blasen/ die füllet es geiagt mit heissem wasser im lauff das sprenget es auff die zunähenden lauffenden jäger odder hund/ dz brennet nit anders dann feur/ was trifft dem geht haut vñnd hare ab/ mit grossen schmerzen.

Dises lands lenge vñnd breite ist fast gleich vngeferlich drey tagreysen lang vñnd breit.

Der Behem reichs anfang.